

水經

卷之四



水經卷第一



河水

蔡欽撰

崑崙墟在西北去嵩高五萬里地之中也其高萬一千里河水出其東北陬屈從其東南流入于渤海又出海外南至積石山下有石門河水冒以西南流河水又南入葱嶺山河水又西逕罽賓國北河水又西逕月氏國



南又西逕安息南河水與蜺羅跋禘  
水同注雷嘉海又西逕四大塔北又  
西逕陀衛國北河水又東逕皮山國  
北其一源出于闐國南山北流與葱  
嶺河合東注蒲昌海又西北流注于  
河南河又東逕于闐北南河又東北  
逕扞弥國北南河又東逕且末國北  
北河又東北流分為二水枝流出焉

北流自踈勒逕流南河之北北河又  
東逕莎車國南北河之東南逕温宿  
國北河又東逕姑墨國南河水又東  
逕注賓域南又東逕樓蘭城而東注  
河水又東注于泐澤又東入塞過婁  
煌酒泉張掖郡南河水又自東河曲  
逕西海郡南河水又東逕久川而歷  
大榆小榆谷北又東過隴西河關縣



北洮水從東南來流注之河水又東北流入西平郡界左合二川南流入河又東北濟川水注之河水東又逕澆河故城北河水又東北逕黃川城河水又東逕石城南左合北谷水河水又東北逕黃河城南河水又東北逕廣遠城北又合烏頭川水河水又東逕邯川城南河水又東臨津溪水

注之河水又東逕臨津城北白土城南河水又東左會白土川水河水又東北會兩川右合二水河水又東得野亭南河水又東歷鳳林北河水又東與灑水合河水又逕左南城南大河又東逕赤岸北河水又東洮水注之又東過金城允吾縣北河水又東逕石城南又東過榆中縣北又東過



天水北界又北過武威媼圍縣東北  
又東北過天水第七縣北又東北過  
安定北界麥田山河水東北流逕安  
定祖厲縣故城北河水又東北逕  
麥田城西又北與麥田泉水合河水  
又東北逕麥田山西河水又東北逕  
于黑城北又東北高平川水注之河  
水又東北逕枹縣故城西

河水

河水又北過北地富平縣西河又北  
逕富平縣故城西河水又北薄骨律  
鎮城河水又逕典農城東河水又北  
逕典農城東河水又東北逕廉縣故  
城東河水又與北枝津河水又東北  
逕渾懷鄣西河水又東北歷石崖山  
西又北過朔方臨戎縣西河水又北



逕臨戎縣故城西河水又北有枝渠  
東出謂之銅口東逕沃野故城南河  
水又北屈而為南河出焉河水又北  
迤西溢於窳渾縣故城東河水又屈  
而東流為北河東逕高闕南河水自  
臨河縣東逕縣山南河水又南逕馬  
陰山西河水又東南逕朔方縣故城  
東北河水自朔方東轉逕渠搜縣故

城北河水又東逕成宜縣故城南河  
水又東逕原亭城南河水又東逕宜  
梁縣之故城南河水又東逕副陽城  
南又東過臨沃縣南河水又東枝津  
出焉河水又東流石門水南注之河  
水又東逕固陽縣故城南河水又東  
逕塞泉城南而東注又東過雲中旗  
陵縣南又東過沙南縣北從縣東屈



南過沙陵縣西河水屈而流白渠水  
注之河水南入楨陵縣西北又南過  
赤城東又南過定襄桐過縣西河水  
於二縣之間濟有君子之名河水又  
東南左合一水河水又南樹頽水注  
之河水又南大羅水注之河水又左  
得蒲水口又南過西河回銀陽縣東  
河水又東端水入馬河水又南渚次

之水入馬河水又南陟水注之又南  
離右縣西奢延水注之河水又南陵  
水注之河水又南得離石水口又南  
過中陽縣西中南縣故城在東東翼  
汾水隔越重山又南過土軍縣西河  
水又南合契水河水又南得大地水  
河水又右納辱水又南過上郡高奴  
縣東河水又南蒲川石樓山南逕蒲



城東

河水四

河水又南過河東北屈縣西河水又  
南鯉魚河水又南羊求水入馬河又  
南為椽桑津又南過皮氏縣西河水  
又南合蒲河水又南丹水西南河水  
又南黑水河水又南至罇谷傍大河  
水又南洛水自隄山枝分東派東南

注于河又南出龍門口汾水從東來  
注之河水又南右合暢谷水河水又  
南逕梁山園原東河水又南嵒谷水  
注之河水又南右合陶渠水河水又  
西徐水注之河水又南逕子夏石室  
又南過汾陰縣西河水又逕鄆陽城  
東河水又南逕陶城而又南過蒲坂  
縣西河水南逕雷首山西又南涼水



注之又南至華陰潼關渭水從西來  
注之河水歷舡司空與渭水會河水  
又東北玉澗水注之河水又東逕闕  
鄉侯河東與全鳩澗水合又東過河  
北縣南河水又東永樂澗水注之河  
水自河北城南東逕芮城河水又會  
無澗河水又東逕湖縣故城北河水  
又東合栢谷水河水又東右合門水

又東過陝縣北又西逕陝縣故城南  
又東過大陽縣南河水又東逕大陽  
縣故城南河水又東沙澗水注之又  
東過砥柱間河之右則崧水注之河  
水又東千嶠之水注焉又東過平陰  
縣北又東至鄧清水從西北來注之  
河水又東與教水合河水又與畛水  
合河水又東合庸之水河水又東



逕平陰縣北河水右會淇水

河水五

河水又東過平陰縣北淇水從北來注之河水又東逕河陽縣故城南河水又逕臨平亭北河水又東逕洛陽縣北河水又東逕平縣故城北河水又東淇水入焉又東沛水注焉又東過鞏縣北洛水從縣西北流注之又

東過成臯縣北濟水從北來注之河水又逕黃馬坂北河水又東逕旋門坂北河水東逕成臯大坏山下河水南對玉門河水又合汜水河水又東逕板城北河水又東逕五龍塢北又東過滎陽縣滾蕩渠出焉河水又東北逕卷之危亭北河水又東逕八激堤北河水又東逕卷縣北河水又東



北逕亦岸固北而東北注之又東北  
過武德縣東沁水從之東至酸棗縣  
西濮水東出焉河水又東北邇謂之  
延津河水又逕東燕縣故城北則有  
濟水自北來注之河水又東淇水入  
焉又東逕遮言亭南河水又右逕滑  
臺城又東北過黎陽縣南河水自津  
東北逕涼城縣河水又東北逕伍子

平廟南河水也又東北為長素津故瀆  
東北逕戚城西故瀆又逕繁陽縣故  
城東北逕陰安縣故城西朝瀆又東  
北逕昌樂縣故城東故瀆又東北逕  
平邑郭西又東北逕元城縣故城西  
北而至沙丘堰至於大陸北播于九  
河河之故瀆自沙丘堰南分屯氏河  
出焉河水故瀆東北逕發于縣北城



西又屈逕其北大河故瀆又東逕貝丘縣故城南大河朝瀆又東逕甘陵縣故城南大河故瀆又東逕平原縣故城西而北絕宅氏三瀆北逕繹幕縣故城東北西流逕平原高縣故城西大河故瀆又北逕脩縣故城東北逕安陵昭大河故瀆北出為屯氏河逕館陶水東北出左瀆又北

逕經城東繞城西又逕南宮縣西北注絳瀆右瀆又東北逕廣宗縣故城南又東北逕界城亭北又東北逕長樂郡武彊縣故城東又東北逕廣川縣與水故道合又東北逕廣川縣故城西又東逕棘津亭南張甲故瀆又東北至脩縣東會清河屯氏別河東枝津出焉東逕信城南又東逕青陽



縣故城南清河郡北又東北逕陵鄉  
南又東北逕東武城縣故城南又東  
北逕東陽縣故城南屯氏別瀆又東  
北逕清河郡南又東北逕清河縣故  
城西屯氏別河北瀆東逕繹幕縣故  
城南東邑大河故瀆又東北逕平原  
縣枝津北出至安陵縣遂絕屯氏別  
河北瀆又東北逕重平縣故城南屯

氏別北瀆又東入陽信縣今無水又  
東為咸河東北流逕陽信縣故城北  
屯氏別河南瀆自平原不絕大河故  
瀆又逕平原縣故城北亦北枝津又  
出東北至安德縣界東會商河屯氏  
別河南瀆又東北於平原界又有枝  
渠右出至安德縣遂絕屯氏別河南  
瀆自平原城北首受大河故瀆東出



亦通謂之篤馬河東北逕安德縣故  
城西又東北逕臨齊城南始又屈逕  
其城未故瀆廣四十步又東北逕重  
丘縣以城西又東北逕西平昌縣故  
城北入逕般縣故城北東逕樂陵縣  
故城北又東北逕陽信縣故城南東  
北入海屯氏河故瀆自別河東逕甘  
陵之北入鄉縣故城南屯氏故瀆又東

逕甘陵縣故城北逕靈縣北東北逕

歙縣與鳴犢河故瀆合上承大河故

瀆於靈一縣南東北逕靈縣東東入歙

縣而北合屯氏瀆屯氏瀆兼鳴犢之

稱也又東逕歙縣城北北合大河

故瀆細之口十三州志曰鳴犢河東

北至彼入屯氏考瀆則不至也又東

北有過之衛國縣南又東北過濮陽縣



北瓠子河出焉河水東逕鉄丘南河水東北流而逕濮陽北為濮陽津河水又東北逕衛國縣南東為國口津河水又東北逕城縣北河水又東北逕范縣之秦亭西河水又東北逕委粟津左合浮水故瀆故瀆東絕大河故瀆東逕五鹿之野浮水故瀆又東南逕國邑一又東逕南國縣故城南古斟

觀浮水故瀆又東逕河牧城而東北出又東北入東武陽縣東入河又有漯水出焉河水又東逕武陽縣東范縣西而東北流也又東北過東阿縣北河水於范縣東北流為倉亭津河水右歷柯澤逕東阿縣故城西而東北流注又東北過茌平縣西河自鄧里渠東北逕昌鄉亭北逕碣磈城西



河水又與鄧里渠水上承大河於東  
阿縣西東逕東阿縣故城北又東北  
逕縣邑與將渠合又北逕荏平縣東  
臨邑縣故城西北流入於河河水又  
東北流四瀆津又東北過高唐縣界  
漯水又東北逕清河縣故城北漯水  
又東北逕文鄉城東南又東北博平  
縣右與黃溝同注川澤又東逕文鄉

城又東南逕王城北黃溝又東北逕  
在與漯水隱覆勢鎮河陸東出於高  
唐縣大河右迤東注漯水矣漯水又  
東北逕援縣故城西漯水又逕高唐  
縣故城東漯水又東北逕濼陰縣故  
城北漯水又東北逕著縣故城南又  
東北逕崔氏城北漯水東南逕東朝  
陽縣故城南漯水又東逕漢徵君伏



生墓南漯水又東逕鄒平縣故城北  
又東北逕界東鄒城北漯水又東北  
逕建信縣故城北漯水又東北逕千  
乘縣二城間又東北為馬常坑又東  
北過楊虛縣東商河出馬商河又北  
逕平原縣東又逕安德縣故城南又  
東北逕平昌縣故城南又東逕般縣  
故城南又東逕樂陵縣故城南商河

又東逕初鄉縣故城南沙溝水注之  
商河又東北流逕馬嶺城西北而流  
屈而東注南轉逕城東商河又東北  
逕富平縣故城北商河又分為二水  
南水謂之長聚溝北水世又謂之白  
薄瀆大河又東北逕高唐縣故城西  
大河又北逕張公城臨側河湄河水  
又北逕平原縣故城東大河右溢世



謂之甘棗溝故瀆又東北歷長堤逕  
溫陰縣北河水又東北逕陽阿縣故  
城西又東北過漯陽北河水自平原  
左逕安德城東而北為麻角津東北  
逕般縣樂陵初鄉厭次縣故南厭次  
河河水右逕漯陰縣故城北河水又  
東北為漯沃津河水又東逕千乘城  
北又東北過黎城縣北又為北過申

下邑濟水從西來河水又東分為二  
水枝津東逕甲下城南東南歷常流  
注濟

汾水 澮水 凍水 文水

原泉 洞過水 晉水 湛水

汾水出太原汾陽縣北管涔山東南  
過晉陽縣東晉水從縣南東流注之  
又南洞過水從東來注之又南過太



陵縣東又南過平陶縣東文水從西  
來流注又南過冠對津又南入河東  
界又南過永安縣西又南過楊縣東  
西南過高梁邑西又南過平陽縣東  
又南過臨汾縣東又屈從縣南西流  
又西過長修縣南又西過皮氏縣南  
又西過汾陰縣北西注于河澮水出  
河東絳縣東澮交東高山西過其縣

南又西南過虎祁宮南又西至王橋  
注于澮水澮水出河東聞喜縣東山  
黍葭谷又西過周陽邑南又西南過  
其縣南又西南過安邑縣西又南過  
解縣南又西南注于張陽池文水出  
大陵山西南文谷東到其縣屈南到  
平陶縣東北東入于分原公水出茲  
氏縣山羊頭山東過其縣北又東入



于汾河過水出沾縣北山西過榆次  
縣南入西到晉陽縣南西入于汾出  
晉水下口者也晉水出晉陽縣西懸  
壑山又東過其縣南又東入于汾水  
澧水出河內軹縣西北山東過其縣  
北又東過波縣之北又東過母邱邑  
南又東出當平陰縣之東北南入于  
河

水經卷第二

濟水

濟水出河東垣縣東王屋山為沆水  
又東至溫縣西北為濟水又東過其  
縣北屈從縣東南流過墳城西又南  
當鞏縣北南入于河與河合流又東  
過成皋縣北又東過滎陽縣北又東  
至北礫礪南東出過滎陽北濟水又



東逕西廣武城北濟水又東逕東廣  
武城北濟水又東合滎瀆濟水又東  
逕滎陽縣北濟水又東南礫石溪水  
注之濟水又東索水注之又東過陽  
武縣北濟水又東北流南濟也逕陽  
武縣故城南濟水又東逕封丘縣南  
濟水又東逕東昏縣故城北濟水又  
東逕濟陽縣故城南又東過封丘縣

北濟也濟水之東逕原武縣故城南  
濟瀆又東逕酸棗縣之烏巢澤北又  
東過平丘縣南北濟也濟水者又東  
過濟陽縣北濟也又東過宛朐縣南  
又東過定陶縣南南濟也濟水又東  
北荷水東出馬濟水又東逕秦相魏  
冉冢南濟水又東北逕定陶恭王陵  
南濟水又東北逕定陶縣故城南又



屈從縣東北流南濟也濟水東至乘  
氏縣西分為二南為荷水北為濟瀆  
北濟又東北逕寃胸縣故城北又東  
北與濮水濟水故瀆又北右合洪水  
又東北過壽張縣西界安民亭南汶  
水送東北來注之濟水又北逕須胸  
城西濟水又逕微鄉東又北過須昌  
縣西濟水又北逕漁山東左合馬頰

水濟水自魚山北逕清亭東又北逕  
穀城縣西濟水又北逕周首亭西又  
北過臨邑縣東濟水又北逕平陰城  
西濟水又東北至垣苗城西又東北  
過盧縣北濟水又逕盧縣故城北濟  
水又東北與中川水合濟水又東北  
右會王水濟水又東北灤水出馬濟  
水又東北華不注山又東北過臺縣



北濟水又東北合芹溝水又東北過  
管縣南又東過梁鄰縣北又東北過  
臨濟縣南濟水又東北為淵諸謂之  
平州濟水又東北逕樂安縣故城南  
又東北過利縣西又東北過甲下邑  
入于河又東北入海其一水東流者  
過乘氏縣南又東過昌邑縣北又東  
金鄉縣南又東過東緡縣北濟水

又東逕漢平狄將軍扶溝侯淮陽朱  
鮪冢又東過方與縣北為荷水濟水  
東逕重鄉城南荷水又東過湖陸縣  
南東入于泗水又東南過濟縣東北  
又東南過留縣北又東過彭城縣北  
淮水泛來注之濟水又南逕彭城縣  
故城東又東南過徐縣北又東至下  
邳睢陵縣南入于淮



清水 沁水 淇水 蕩水

洹水

清水出河內脩武縣之北黑山東北  
過獲嘉縣北又東過汲縣北又東入  
于河沁水出上黨沮縣謁戾山南過  
穀遠縣東又南過猗氏縣東又南過  
陽阿縣東又南出山過沁水縣北又  
東過野王縣北又東過周縣北又東

過懷縣之北又東過武德縣南又東  
南至滎陽縣北東入于河淇水出河  
內隆慮縣西大號山又東過內黃縣  
南為白溝屈從縣東北與洹水合又  
東北過館陶縣北又東北過清淵縣  
西又東北過廣宗縣東為清河又東  
北過武城縣西又北過廣川縣東又  
東過修縣南又東北過東光縣西又



東北過南皮縣西又東北逕浮陽縣  
西又東北過減邑北又東北過鄉邑  
南又東逕窮河邑南又東北過漂榆  
邑入于海蕩水出河內陰縣西山東  
又東北至內黃縣入于黃澤洹水出  
上黨洹氏縣東過隆慮縣北又東北  
出山逕鄴縣南又東過內黃縣北東  
入于白溝

濁漳 清漳

濁漳水出上黨長子縣西發鳩山之  
漳水焉東過其縣南屈從縣東北流  
注又東過壺關縣北又東北過屯留  
縣潞縣北又東過武安縣又東出山  
過鄴縣西又東過列入縣南又東北  
過斥漳縣南又東北過曲周縣東又  
東北過鉅鹿縣東又北過堂陽縣西



又東北過扶柳縣北又東過信都縣  
西又東北過下博縣之西又東北過  
阜城縣北又東北至昌亭與雩池河  
會又東北至樂成陵縣別出北又東  
北過成平縣南又東北過章武縣西  
又東北過平舒縣南東入海清漳水  
出上黨沾縣西北少山大黽谷南過  
縣西又北過縣南屈東過涉縣西屈從

漳  
縣南東至武安縣南黍空邑入于濁

易水 滏水

易水出涿郡故安縣關鄉西山東過  
范陽縣南又東過容城縣南又東過  
安次縣南又東過泉州縣南東入于  
海滏水出代郡靈立縣高氏山東南  
過廣昌縣南又東南過中山上曲湯



縣北恒水從西來注之又東過唐縣南又東逕安喜縣南又東過安國縣北又東過博陵縣南又東北入于易

聖水 巨馬水

聖水出上谷東過良鄉縣南又東過長鄉縣北又東過安次縣南東入于海巨馬河出代郡廣昌縣涑山東過迺縣北又東南過容城縣北又東南

至泉州縣西南東入八丈溝又南又東過勃海東平舒縣北東入于海

濕水

濕水出鴈門陰館縣東北過代郡桑乾縣南又東過涿鹿縣北又東南出山過廣陽薊縣北又東至漁陽雍奴縣西入笥溝濕餘水出上谷居庸關東又東流過軍都縣南又東流過薊



縣北又北屈東南至狐奴縣西入于  
沽河沽河從塞外來南過漁陽狐奴  
縣北西南與濕餘水合為沽河又東  
南至雍奴縣西竒瀟又東至南泉州  
縣與清河合東入于海清河者派河  
尾也鮑丘水從塞外來南過漁陽縣  
東又南過略縣西又南至雍奴縣北  
屈東入于海濡水從塞外來東南過

遼西令支縣北大遼水出塞外衛白  
平山東南入塞過遼東襄平縣西又  
東南過房縣西又東過安市縣西南  
入于海又玄兎高句麗縣有遼山小  
遼水所出西南至遼隧縣入于大遼  
水也淇水出樂浪鏤方縣東南過于  
臨淇縣東入于海

洛水



洛水出京兆上洛縣謹率山洛水又  
東尸水注之洛水又東得乳水水又  
東會于龍餘之水洛水又東門水出  
焉洛水又東逕熊耳山北禹貢所謂  
導洛東北過盧氏縣南洛水逕隰渠  
關北洛水又東逕盧氏縣故城南洛  
水東與高門水合洛水又東松楊溪  
水注之洛水又東庫谷水注之又東

北過蠡城邑之南又東過陽市邑南  
又東北過子父邑之南洛水又東渠  
谷又東北過宜陽縣南洛水又東逕  
宜陽縣故城南又東北出散關南洛  
水又東枝瀆左出焉又東北過河南  
縣南又東過洛陽縣南伊水從西來  
注之又東過偃師縣南洛水又北陽  
渠水注之洛水又東逕訾城北又東



羅水注之又北過鞏縣東又北入于  
河洛水又東北流入于河伊水出南  
陽縣西荀渠山東北過郭落山又東  
北過陸渾縣南又東北過新城縣南  
又東北過伊關中又東北至洛陽縣  
南北入于洛漚水出河南穀城縣北  
山東與千金渠合又東過洛陽縣南  
又東過偃師縣又東入于洛澗水出

新安縣南白石山東南入于洛

穀水  
汁水  
漆水  
澁水

江水

穀水出弘農黽池縣南潘塚林穀陽  
谷東北過穀城縣北又東過河南縣  
北東南入于洛甘水出弘農宜陽縣  
鹿蹄山東北至河南北入洛漆水出  
扶風杜陽縣俞山東北入于渭澁水



出京京北四谷北入于灊沮水出北  
地直路昭東過馮翊殺柘縣北東入  
于洛

渭水

渭水出嶺西首陽縣渭谷亭南為鼠  
山又北出襄武縣北又東過郿縣南  
又東南出六縣北又東過上邽縣又東  
過陳倉縣西又東逕武功縣北又東

芒水從南來流注之渭水又東過槐  
里縣南又東澇水從南來注渭水又  
東北逕黃山宮南就水注之渭水又  
東合田溪水渭水又東逕柰里縣故  
地南渭水又東合甘水又東豐水從  
南來注之渭水又東北與鄠水合渭  
水又東北逕渭城南而沈水注之又  
東過長安縣北渭水又東與沈水枝



津合渭水又逕長安城北又東過華陰縣北又東過鄭縣北又東過霸陵縣北灞水從縣西北流注之東入于河

漾水 丹水

漾水出隴西氐道縣蟠冢山東至武都沮縣為漢水又東南至廣魏白水縣西又東南至葭萌縣東北與羗水

合又東南過巴郡閬中縣又東南入漢州江津縣東南入于江丹水出京兆上洛縣西北冢領山東南過其縣南又東南過商縣南又東南至于丹水縣入于洵

汝水

汝水出河南梁縣勉鄉西天息山東南過其縣北又東南潁川郊縣南又



東南過定陵縣北又東南過郟縣北  
又東南過汝南上蔡縣西又東南過  
平輿縣南又東至原鹿縣南入于淮

潁水 洧水 潁水 潏水

潁水出潁川陽城縣西北少室山又  
東南過其縣南又東南過陽翟縣北  
又東南過潁陽縣西又東南過潁陰  
縣西南又東南過臨潁縣南又東南

汝南潁強縣北洧水從河南密縣東  
流注之又東過西華縣北又南過汝  
陽縣北又東南過南頓縣北潁水從  
西來流注之又東南至新陽縣北潏  
水從西北來注之又東南至慎  
縣東南入于淮洧水出河南密縣西  
南馬領山又東南過其縣南又東過  
鄭縣南潏水從西北來注之又東南



過長社縣北又東南過新汲縣東北  
又東南過茅城邑之東北又東過習  
陽城西折入于潁潁水出河南密縣  
大騁山東南入于潁潁水出鄭縣西  
北平地東過其縣北又東南過其縣  
東又南入于洧水渠出滎陽北河東  
南過中牟縣之北又東至浚儀縣屈  
南至扶溝縣北其一者東南過陳縣

也又東南至汝南新陽縣北又東南  
過山桑縣北又東南過龍亢陽南

陰溝水 洧水

陰溝水出河南陽武縣蕩蕩渠東南  
至沛為過水又東南至下邳淮陵縣  
入于淮洧水出陰溝于浚儀縣北又  
東至梁郡蒙縣為睢水餘波南入淮  
陽城中洧水出洧水於梁郡蒙縣北



又東過蕭陽縣南又東至彭城縣北  
東入于泗

睢水 匏子水 汶水

睢水出梁郡鄆縣又東過睢陽縣南  
又東過相縣南屈浚城北東流當蕭  
縣南入于睢匏子河出東郡濮陽縣  
北河東至濟陰句縣為新溝又東北  
過廩丘縣為濮水又北過東郡范縣

東北為濟渠與將渠合又東北過東  
阿縣東又東北過臨邑縣西又東北  
過荏平縣東為鄧里渠又東北過祝  
阿縣為濟渠又東北至梁鄒縣西分  
為二其東北者為濟河其東者為時  
水又東北至濟西濟河東北入于海  
時水東至臨淄縣西屈南過泰山華  
縣東又南至費縣東入于沂汶水出



泰山萊蕪縣原山西南過羸縣南又  
東南過奉高縣北屈汶縣西南流過  
博縣西北又西南過蛇丘縣南又西  
南過岡縣北又西南過平章縣南又  
西南過無鹽縣南又西南過壽張縣  
北又西南至安民亭入于濟

泗水 沂水

泗水出魯下縣北山西南逕魯縣北

又西過瑕丘縣東屈汶縣東南流郭  
水從東來注之又南過平陽縣西又  
南過高平縣西洗水從北西來流注  
之又南過方輿縣東荷水從西來注  
之又屈東南過湖陸縣南涓之水從  
東北來流注之又南過沛縣東又東  
逕山陽郡又東南過彭城縣東北又  
東南過呂縣南又東南過下邳縣西



又東南入于淮沂水出泰山蓋縣艾  
山南過琅邪臨沂縣東又南過開陽  
縣東又東過襄賁縣東屈汶縣南西  
流又屈南過郟縣西又南過良城縣  
西又南過下邳縣西南入于泗涑水  
出泰山蓋縣臨樂山西南至卞縣入  
于泗

沐水

皇水

淄水

汶水

濰水 膠水

沐水出琅邪東莒縣西北山東南過  
其縣東又東南過莒縣東又南過陽  
都縣東入于沂巨羊水出朱虛縣泰  
山北過其縣西又北過臨朐縣東又  
北過劇縣西又東北過壽光縣西又  
東北入于海淄水出泰山萊蕪縣原  
山又東北過臨淄縣東又東過利縣



東又東北入于海汶水出朱虛縣泰山北過其縣東又北過濰于縣西又東北入于縣濰水出琅邪箕縣東北過東武城縣西又北過平昌縣東又北過高密縣西又北過濰于縣西又東北逕都昌縣東又東北入于海膠水出黔陬縣膠山北過其縣西又北過夷安縣東又北過當利縣西北入



南山敦物山在扶風武功縣南西也  
須山在隴西臨洮縣西南蟠冢山在  
隴西氏道縣之南鳥鼠同穴山在隴  
西首陽縣西南積石在隴西河關縣  
西南都野澤在武威縣東北合離山  
在酒泉會水縣東北流沙地在張掖  
居延縣東北三危山在燉煌縣南朱  
圍山在天水北冀縣南岷山在蜀郡



潁氏道西播豕山在弘農盧氏縣南  
荆山在南郡臨沮縣東北内方山在  
夏江竟陵縣東北大別山在盧江安  
豐縣西南外方山崧高是也桐栢山  
在南陽平氏縣東南陪尾山在江夏  
安陸縣東北衡山在長沙湘南縣南  
九江地在長沙下雋縣西北雲夢澤  
在南郢華容縣之東東陵地在盧江

水經卷第三

沔水

沔水出武都沮縣東狼谷中沔水又  
東南迺沮水成而東南流注漢曰沮  
口沔水又東迺白馬戍南濫水入焉  
沔水又東迺武侯壘南沔水又東迺  
沔陽故城南城沔水又東迺西樂城  
北漢水又左得度口水漢水又東黃



沙水左注之漢水又東合襄水漢水  
又東逕漢廟堆下又東過南鄭縣南  
漢水又東得長柳渡漢水又左會文  
水漢水又東黑水注之又東過城固  
縣南又東過魏興安陽縣南泔水出  
自旱山北注之漢水又東至漢城與  
洛谷水合漢水又東逕小城固南漢  
水又東逕石門灘漢水又東逕媯墟

為灘漢水又東逕猴徑灘漢水又東  
逕小大黃金高漢水又東合遠蔭漢  
口漢水又東右會泮水漢水又東歷  
敖頭漢水又東合直水漢水又東逕  
直城南漢水又東逕晉昌郡之寧都  
縣南漢水又東逕魚脯溪口又東過  
西城縣南漢水東又得大勢漢水又  
對月谷口漢水又東逕西城縣故城



南漢水又東為鱣湍漢水又東合旬  
水漢水又東迳木蘭塞南漢水又東  
左得育漢漢水又東迳魏興郡之錫  
縣故城北漢水又東歷姚方

沔水

沔水東過襄陽縣北沔水又東合檀  
溪水沔水又迳平魯城南又從縣東  
屈西南涓水從北來注之沔水中有

魚梁洲沔水又迳桃林亭沔水又東  
南迳蔡洲沔水又東南邑城北沔水  
又東合洞口又東過中廬縣東淮水  
自房陵縣淮山東流注之沔水又東  
南流迳黎丘故城西又南過印縣東  
北沔水又南得木里水會又南過宜  
城縣東夷水出自房陵縣東流注之  
沔水又迳都縣故城南沔水又東敖



水注之沔水又東南與白水合沔  
水自荆城東南流迳當陽縣之章山  
東沔水又東右會權口沔水又東南  
與陽口合又東南迳江夏雲杜縣東  
夏從西來注之沔水又東迳左桑沔  
水又東合區亮水口沔水又東得合  
驛口沔水又東謂之橫桑沔水又東  
謂之鄭潭沔水又東得死沔沔水又

東與方口合沔水又東南洧水入焉  
沔水又東迳沌陽縣北又南至江夏  
沙羨縣北南入于江沔水與江合流  
又東過蠡澤又東北出居巢縣南又  
東過牛渚縣南又至石城縣分為二  
其一東北流其一又過毗陵縣北為  
北江南江又東與貴長池水合南江  
又南東迳宣城之臨城縣南南江又



東與桐水合南江又東逕寧國縣南  
南江又東北為長瀆歷河口涑縣松  
江出馬江水奇分謂之三江口又東  
至會稽餘姚縣東入于河江水又東  
逕黃橋下江水又東逕餘姚縣故城  
南江水又東注于海

沔水下

潛水

湍水

均水

粉水

白水

泚水

又東過堵陽縣堵水出焉自上粉  
北流注之又東過鄖鄉縣南漢水又  
東逕鄖鄉縣故城南漢水又東逕  
琴谷口又東北流又東東南武當縣  
東北漢水又東為佷子潭漢水又東  
南逕武當縣故城北漢水又東平陽  
川水注之沔水又東南逕縣城東沔  
水又東逕龍巢山下又東南逕沙都



縣城東北又東南過鄴縣之西南又  
南迤故城東又南過陟縣之西沔水  
又東南得洛溪口又南過筑陽東筑  
水出自房陵縣東過其縣南流注之  
又東迤學城南沔水又南迤筑陽縣  
東沔水又東為漆灘又東過山都縣  
東北沔水又東迤樂山北沔水又東  
迤隆中潜水出巴郡宕渠縣又入于

江端水出酈縣北芬山南流過其縣  
東又南過冠軍縣東又東過白牛邑  
南又東南至新野縣東入于涇均水  
淞縣北山南流過其縣之東又南當  
涉都縣邑北南入于沔粉水出房陵  
縣東流過郢邑南又東過穀邑南東  
入于沔白水出朝陽縣西東流過其  
縣南又東至新野縣南東入于涇均



水出泚陽縣東北太胡山東南流過其縣泄水從南來注之又西至新野縣南入于滄

淮水

淮水出南陽平氏縣胎簪山東北過桐栢山淮水又東迳義陽縣淮水又迳義陽縣故城南東過江夏平春縣北淮水又東油水注之淮水又東北

與大水合淮水又東北流左會湖水淮水又東迳安陽故城南淮水又東得瀨口水又東迳新息縣南淮水又東迳浮光山北淮水又東右壑水淮水又東北申陂枝水注淮又東迳淮陰亭北東迳白城南淮水又東迳長陵戍南又東青陂水注之淮又東北合黃水又東過期思縣北淮水又



東潭水注之東過原鹿縣汝水從西  
北來注之又東過盧江安豐縣東北  
決水從北來注之淮又東谷水入焉  
淮水又東北左會潤水淮水又東北  
窮水入焉又東北至九江壽春縣西  
泚水洪水合北注之又袁潁水從西  
北來流注之淮水又東流與潁口會  
東南逕倉陵北又東北流逕壽春故

城西淮水又北左合椒水又東過壽  
春縣肥水從縣東北流注之淮水又  
北逕山碇中謂之碇石淮水又逕莫  
耶山西又東過當塗縣北過水從西  
北來注之淮水又東北豪水注之淮  
水又北沙水注之又東過鍾離縣北  
淮水又東逕夏丘縣南淮水又東逕  
浮山淮水又東逕徐縣南歷潤水注



之淮水又東池水注之淮水又東蘄水注之淮水又東歷客山迺盱眙縣故城西又東北至下邳淮陰縣西泗水從西北來流注之又東過淮陰縣北中瀆水出白馬湖東北注之又東兩小水流注之又東至廣陵淮浦縣入于海

淮水

涇水

濇水

灑水

瀨水

灑水

瀨水

淮水出南陽縣西之堯山東北過瀨川定陵縣西北又東過堰縣南東入于汝涇水弘農盧氏縣攻離山東南過南陽西鄂縣西北又東過宛縣南又屈南過涇陽縣東又南過新野縣西西過鄧縣東南入于沔濇水出潁強縣南澤中東入潁灑水出汝南吳



房縣西北興山東過其縣北入于汝  
瀕水出無陰縣東上界山東過吳房  
縣南又東過濯陽縣南又東過上蔡  
縣南東入汝無水出無陰縣西北扶  
予山東過其縣南又東過西平縣北  
又東過郟縣南又東過定潁縣北東  
入于汝汝水出蔡陽縣東南迤隋縣  
西又南過江夏安陸縣西又東南入

于夏

膠水 蘄水 泐水 泚水

泄水 肥水 施水 沮水

漳水 夏水 羗水 涪水

潼水 涇水

膠水出江夏平春縣西南過安陸入  
于涇蘄水出江夏蘄春縣北山南過  
其縣西又南至蘄口南入于江泐水



出廬江寧婁縣南大別山北過其縣  
東又北過安豐縣東又北入于淮泄  
水出廬江潛縣西南霍山東北東北  
過六縣東北入于淮泄水出博安縣  
北過芍陂西與泄水合西北入于淮  
肥水出九江成德縣廣陽鄉西肥水  
別北過其縣西北入芍陂又北過壽  
春縣東北水入于淮施水亦從廣陽

鄉東南入于湖沮水出漢中房陵縣  
淮山東南過臨沮縣界又東南過枝  
江縣東南入于江漳水出臨沮縣東  
荆山東南過蓼亭又東過章鄉南又  
南至枝江縣北烏扶邑入于沮夏水  
出江流于江陵縣東南又東過華容  
縣南又東至江夏雲杜縣入于沔羗  
水去羗中叅糧又東南至廣魏白水



縣與漢水合又東南過巴郡閬中縣  
又南至墊江縣東南入于江涪水出  
廣魏涪縣西北南至小廣魏與梓潼  
水出其縣北界西南入于涪又西南  
至小廣魏縣南入于墊江涪水出漢  
中南縣東南旱山北至沔陽縣南入  
于沔

江水

岷山在蜀郡氏道縣大江所出東南  
過其縣北江水自天彭關東迳汶關  
而歷氏道縣北又有崩水入焉江水  
又東別為沱江水又歷都安縣又東  
南過犍為武陽縣青衣水涿水從西  
南來合而注之又東南過犍道縣北  
若水淹水合從西來注之又東注水  
北流注江水又與符里水合又東過



江陽縣南洛水從三危山東過廣魏  
洛陽南東南注之江水迳漢安縣北  
江水東迳樊石灘又迳大附灘又東  
過符縣北邪東南緡部水從符關東  
北注之又東北至巴郡江州縣東強  
水涪水漢水白水宕渠水水合南流  
注之又江水東至枳縣西迳江從犛  
犛郡北流西屈注之又迳東望峽東

歷平都江水右迳虎鬚灘江水又東  
迳臨江縣南涇水又東得黃華水口  
左迳石城南又東至平州又東迳壤  
塗而歷和灘又東迳界壇江水又東  
右得將龜溪口江水又東南會北集  
渠江水又右迳池溪口江水又東迳  
右龍又東迳羊腸虎臂灘江水又東  
彭水注之江水又東右迳朐忍縣故



城南江水又東迳瞿巫灘江水又迳  
東陽灘江水又迳魚復縣之故陵江  
水又東為落牛灘迳故陵北江水又  
右迳夜清而東歷朝陽道口江水又  
東左迳新市里南江水又東右合陽  
元水口江水又東迳南鄉峽東迳永  
安宮南江水又東迳諸葛亮圖壘南  
江水又東南迳赤岬西江水又東迳

魚復縣故城南江水又東迳廣溪硤  
江水自關東迳弱關捍關江水又東  
烏飛水注之

江水

江水又東迳縣故城南江水又東巫  
溪水注之江水又東迳巫峽江水歷  
峽東迳新崩灘江水又東迳石門灘  
又東過秭歸縣之南江水又東迳城



北江水又東南迤夔城南江水又東  
迤歸鄉縣故城北江水又東迤信陵  
縣江水又東過夷陵縣南江水歷峽  
東迤宜昌縣之埵竈下江水又東流  
頭灘江水又東迤宜昌縣北江水又  
東迤狼尾灘而歷人灘江水又東迤  
黃牛山江水又東迤西陵峽江水歷  
禹斷江江水出峽東南流迤城故州

江水又東迤陸抗故城北江水又東  
迤白鹿巖江水又東歷荆門虎牙之  
門又東南過夷道縣北夷水從狼山  
縣南東北注之江水又東迤上明城  
北江水又東會沮口又南過江陵縣  
南江水又東迤鸞尾洲江水東得馬  
牧口江水又東迤江陵縣故城南江  
水又東迤郢城南江水又東得豫章



口

江水

又東至華容縣西夏水出焉又東南  
當華容縣南湧水出焉江水又東涌  
水注之江水又迳南平郡孱陵縣之  
樂鄉城北又東南油水從西南來注  
之又東右合油口又東迳公安縣北  
江水左會高口江水又東得故市口

江水又右迳揚岐北山大江又東左  
合子夏口大江又東左得侯臺水口  
大江右得龍穴水口江水自龍巢而  
東俞口又東得清陽土塢二口大江  
右迳石首山北又東迳赭婁江水左  
得飯筐上口江水又右得上檀浦江  
水又東迳竹町南又東至長沙下雋  
縣北澧水沅水資水合東流注之湘



水從南來注之江水又東左得二夏  
浦又東迳彭城口江水自彭城巖東  
迳如山北江水又左迳白螺山南江  
水左迳止烏林南江水又東左得子  
練口江水左得中陽水口又東得白  
沙口江水東右得聶口江水左迳百  
人山南江水東迳大軍山南江水又  
東迳小軍山南江水又東迳雞翅山

北又東北至江夏沙羨縣西北沔水  
從北來注之江水又東迳歎父山南  
對歎州江水又東迳魯山南江水左  
得湖口水通太湖又東合澗口水上  
承沔水於安陸縣而東迳緡陽縣北  
東南注于江江水又東湖水自北南  
注謂之加吳江右岸頗得二夏浦北  
對東城洲西浦側有雍伏成江之左



岸東會龍驤水口出北山蠻中江之  
有武口水通安陸之迤頭江水東  
迤差城南又東過邾縣南江水右黎  
嶼嶼北江水又東迤邾縣故城南鄂  
縣北江水右得樊口江水又左迤赤  
臯山南又東迤西陽郡南郡治即西  
陽縣也江之左岸有鄂縣故城江水  
左則巴水注之又東迤輓縣故城南

東會希水口出瀼縣霍山西麓山北  
有瀼縣故城大江右岸有厭里口安  
樂浦江水左得赤水浦江水又東迤  
南陽山南江水又東迤西陵縣故城  
南江水東歷孟家澧江之右岸有黃  
石山水迤其北又東過蕲春縣南蕲  
水從東北注之又東過下雉縣北刊  
水往東陵西南注之又東左得青林



口

青衣水 桓水 若水 沫水

延江水 沅水 存水 温水

青衣水出青衣縣西蒙山東與沫水

合也至犍為南安縣入于江桓水出

蜀部岷山西南行羌中入于南海若

水出蜀郡旄牛徼外東南至故關為

若水也南過越雋邛都縣而直南至

會無縣淹水東南流注又東北至犍

為朱提縣西瀘江水又東北至犍道

縣入于江沫水出廣柔徼外東至南

過旄牛縣北又東至越雋靈道縣出

蒙山南東北與青衣水合東入于江

延江水出犍為南廣縣又東至犍犍

鬻縣東屈北流至邑郡涪陵縣注更

始水又東南至武陵西陽縣入于酉



水酉水東南至沅陵縣入于沅存水  
出捷為郃鄔縣東南至鬱林定周縣  
為周水又東北至潭中縣注于潭溫  
水出牂牁夜郎縣又東至鬱林廣鬱  
為鬱水又東至領方縣東與斤南水  
合東兆入于鬱

淹水

葉榆水

夷水

油水

漕水

沅水

浪水

淹水出越雋遂又縣徼外東南至靖  
蛉縣又東過姑復縣南東入于若益  
州葉榆河出其縣北界屈從縣東北  
流過不韋縣東南出益州界入牂牁  
界西隨縣北為西隨水又東出進桑  
關過交趾麓泠縣北分為五水絡交  
趾郡中至東界復合為二水東入海  
夷水出巴郡魚復縣江東南過佷山



縣南又東過夷道縣北東入于江油  
水出武陵孱陵縣西界東過其縣北  
又東北入于江澧水出武陵充縣西  
歷山東過其縣南又東過零陽縣之  
北又東過作唐縣北又東至長沙下  
雋縣西北東入于江沅水出牂牁且  
蘭縣為亭溝水又東至鍾城縣為沅  
水又東至過臨沅縣南又東至長沙

下雋縣西北入于江浪水出武陵鍾  
城縣北界沅水谷南至鬱林潭中縣  
與鄰水合又東至蒼梧陵縣為鬱溪  
又東至高安縣為火水又東至南海  
番禺縣西分為二其一南入于海其  
一又東過縣東南入于海負水又東  
南一千五百里入南海

資水 漣水 湘水 澧水



秦水

資水出零陵都梁縣路山東北過夫夷縣又東北過邵陵縣之北又東北過益陽縣北又東與沅水合於湖中東北入于江也連水出連道縣西資水之別東北過湘南縣南又東北至衡陽湘西縣界入于湘水湘水出零陵山安縣陽海山東北過零陵縣東

又東北過桃陽縣東又東北過泉陵縣西又東北過重安縣東又東北過鄱縣西秦水從東南來注之又東北過陰山縣西涿水從東南來注之又北過澧陵縣西澆水從東注之又北過臨湘縣西瀏水從縣西北流注又北為水從西南來注之又北過羅縣西潁水從東南流注又北過下雋縣



西微水淺東來流注又北至巴丘山  
入于江灘水亦出陽海山南過蒼梧  
荔浦縣又南至廣信縣入于鬱水溱  
水出桂陽臨武縣南繞城西北屈東  
至曲江縣安甞邑東屈西南流過須  
陽縣出淮浦關與桂水合南入于海

匯水

深水

鍾水

來水

涿水

澆水

劉水

瀨水

贛水

廬水

匯水出桂陽縣廬聚東南過含淮縣  
南出淮浦關為桂水深水出桂陽廬  
聚西北過零陵營道縣南又西北過  
營浦縣南又西北過泉陵縣西北七  
里至燕室邪入于湘鍾水出桂陽南  
平縣部山北過其縣東又東北過宋  
渚亭又北過鍾亭與雞水合又北過



魏寧縣之東又北入于湘耒水出桂陽郴縣南山又北過其縣之西又北過便縣之西又西北過耒陽縣之東又北過酃縣東北入于湘沅水出茶陵縣上鄉西北過其縣西又西北過攸縣南又西北過陰山縣南又西北入于湘漉水出醴陵縣東漉山西過其縣南屈從西西北流至漉浦注入

于湘瀏水出臨湘縣東南瀏陽縣西北過其縣東北與澧溪水合西入于湘澗水出豫章艾縣西過長沙羅縣西又西累石山入于湘水贛水出豫章南野縣西北過贛縣東又西北過廬陵縣而又東北過石陽縣西又東北過漢平縣南又東北過新淦縣西又北過南昌縣西又北過彭澤縣西



北入于江瀘江水出三天子都北過彭澤縣西北入于江

漸江水 斤江水

漸江水出三天子都北過餘杭東入于海斤南水出交趾龍編縣東北至鬱林領方縣東注二鬱容容夜緬湛乘牛無會重瀨夫省無變由蒲七都融勇外此皆出曰南郡西東東入于

海容容水在南垂名之以次轉北也右三十水從江已南至日南郡也泰山為東嶽在泰山博縣西北霍山為南嶽在廬江潯縣西南華山為西嶽在弘農華陰縣西南雷首山在河東蒲坂縣東南砥柱山在河東大陽縣東河中王屋山在河東垣曲縣東北也太行山在河內野王縣西北恒山



為北嶽在中山上曲陽縣西北碣石  
山在遼西臨渝縣南水中也析城山  
在河東濩澤縣西南大嶽山在河東  
永安縣壺中山在河東北屈縣東南  
龍門山在河東皮氏縣西梁山在馮  
翊夏陽縣西北河上荆山在馮翊懷  
德縣南岐山在扶風美陽縣西北閼  
山在扶風汧縣之西也隴山終金蘭

縣西北敷淺原地在豫章歷陵縣西  
南彭蠡澤在豫章彭澤縣北中江在  
丹陽蕪湖縣南東至會稽陽羨縣入  
于海震澤在吳縣南五十里北江在  
毗陵北界東入于海嶧陽山在下邳  
縣之西羽山在東海祝其縣南也陶  
丘在濟陰定陶縣之西南荷澤在定  
陶縣東雷澤在濟陰成陽縣西北荷



水在山陽湖陸縣南蒙山在太山蒙  
陰縣西南大野澤在山陽鉅野縣東  
北大埜地在河南城臯縣北明都澤  
在梁郡睢陽縣東北益州沱水在蜀  
郡汶江縣西南其一在郫縣西南皆  
還入江荆州沱水在南郡拔江縣二  
澧地之南在邛縣之北右禹貢山水  
澤地所在凡六十



題水經後

右水經三卷撰於漢桑欽氏而  
校輯於升菴楊先生濟源達支  
縷析無遺一展卷間不必跡禹  
之跡而天下了然在目余嘗因  
是攷之柳子云歸墟之泄非出  
天地之外也水入東而復繞西



又滲縮上升而下流於東耳其  
說亦近似然以理驗之則天地  
之化往者消而來者息非以往  
者之消復為來者之息也水流  
東極氣盡而散如沃焦釜非若  
未盡之水山澤通氣而流注不  
窮也古之聖賢有見於斯川上

之嘆觀瀾之喻源頭活水之詠  
獨疊疊焉欽之見未必識此乃  
能幽探廣采會博歸約窮千古  
于管端移萬里于几席其用心  
亦密矣視彼胸吞雲夢袖藏東  
海有不足言者雖然有先生為  
之表章而欽之著述始顯否則



湮沒弗傳與物澌澌矣寥寥百  
世其心孰從而白耶噫浦珠煥  
劍失而復全鬼神尚呵護之而  
况斯帙有禪治理者焉造物不  
終棄之而待於今謂非有數存  
乎哉先生涵泳聖涯此特緒餘  
耳願余何能測其浩瀚縱覽之

餘繕本而梓之亦得以竊一勺  
之潤

正德戊寅夏季上浣錫山筠谷  
道人盛夔謹識



道入及教... 五總... 子... 卷...





